

Un'antra matina

A vuciata angusciata
Si intesta à mughjà piaghje
Si accatasta à nivaghja
Pè u viotu di l'aghje

È l'invernu si intesta
Ad accuzzà stilette
Si ne more a festa
Pè u viotu di i detti
Ma cintu si incurona du un antra matina

È si intesta u slaziu
À fà la malacella
Ad incrinà u spaziu
Di l'isula mufrella

Ùn spuntarà veranu
Senza l'ochji di a fede
Ùn ci hè pannu fatale
À chì ci vole crede
Chì Cintu si incurona di tante altre matine